



*Rabu, 07 Juni 2023*

**Ogen: Johanes 13:34-35**



**SIKELENG-KELENGEN**



Sada ilustrasi, *sup ayam, ituriken kerna sepasang perbulagen ras ndeharana mbaru rani. Itamakenna page ndai i bas gudang, janah sanga mbue kal menci si banci mangani page e. E maka ipasangna ragum, nidingi menci. Ieteh menci e maka kiam ia ndarat i gudang e nari janahna ermomo. Pemena jumpa ia manuk, nina lit ragum i gudang tapi la diate manuk ndai, labo ka kena aku atena. Terdauhen seh me menci i karang babi, sanga medem i bas karangna. Iyak ah, ndigan pe labo banci aku kena ragum adi aku pe bas karang enda, labo banci ku ja pa pe lawes nina. Seh me menci i karang lembu, janahna ermomo, ngaloi lembu ndai, ula gejek, ngganggu saja, aku labo diateku, kam lah hati-hati.*

E maka seh ku berngi ibegi ndeharana me ersora i gudang, iakapna lit menci tapi kenca i dadapna ragun e ipatuk nipe ia, labo kepe menci, nipe me si bengket ku ragum. Kenca e demam me ndeharana, reh tetangga nina, bere sup ayam, gelah sehat. Itagkap me si manuk jadikan sup. E maka perban bas kuta tading rehen kade-kade ndahisa, nterem pulung, ban teremna itangkap me babina guna bengkau man. Dungna mate me ndeharana ndai, lembu me igeleh jadi bengkau.

Megati kegeluhen manusia desken rubia-rubia e ndai, menci, manuk, babi ras lembu. I bas persoalen ras ancamen si jadi, siakap labo lit hubungenna ras kita. Tapi banci saja i bas lingkaren kegeluhen e kita ndatken efek i bas kerina kejadi e. Bagi menci si tempa terancam, ia me si selamat sedangkan manuk, babi ras lembu me igeleh erkiteken si madasa.

Jesus enggo mereken pedah man manusia, gelah nggeluh sikeleng-kelengen. Bagi Jesus ncidahken keleng atena nandangi manusia, arusna me kita sikeleng-kelengen. Ula ngukurken dirinta saja. Peturah ras asuhi pusuh si mediate,